

AURREKONTUAK

Diputazioak eta Bilboko Udalak kontuak luzatuko ditue 2003. urtean

Iñaki Azkuna Bilboko Alkatetik eta Josu Bergara Bizkaiko ahaldu nagusiak bat etorri ziran atzo, biek zuzentzen dituen erakundeetan, Udala eta Diputazioan, datorren urteari begira indarrean dagozan aurrekontuak luzatu egin beharko dituela onartzerakoan. Batak eta besteak oposizio taldeei leporatu deusie horren erantzunkizuna. Azkunak esan dau berari konturik osotzen itxi ez badeusie be, oposizioek ez daukiela alternatibarik.

URDAIBAI

Ekologi Alkartek erreserban sartu leiken galipotaren beldurra dauka

Prestige ontziaren hondamendia dala eta, gorabehera handiak izan dira, han eta hemen. Urdaibaiko Biosfera Erreserba aldera sartu daiteken galipotaren aurrean be, erakundeak behar moduan koordinatuta ete dagozanaren bildur da, orain, Gernikako Ekologia Lan taldea. Alkarteko kideen berbetan, «ez dago batere argi zelan egingo diran beharrak fuel-olioaren orbanak datozanerako», kritikau dabe Gernikako Ekologi Lan taldeko kideek.

ONDARROA

Herrian gertatutako kontuak batu ditue 'Ondarroa 2002' izeneko urtekarian

Kalean dago Ondarroa 2002 urtekaria. Ondarroako Historia Zaleek (OHZ) joan zan urtean baino ekarpen gehiago jaso dituenaz, gehitu egin dabe orrialde kopurua, eta baita atal batzuk be. Augustin Zubikarai idazleak hainbat urtean egindako beharraz jarraitzea erabagi eban igaz OHZ-k, eta hartutako konpromisoa bete dau.

KULTUREA.

Basauriko Social Antzokiak hamar urte beteko ditu 2003ko maiatzaren 29an

Basauriko Social Antzokiak hamar urte beteko ditu 2003ko maiatzaren 29an. Horregaitik eta egindako ibilbidegaitik pozik dagozala esan eben Rafael Ibarguen alkateak, Koldo Meso kultura zinegotziak eta Gerardo Ayo antzokiko zuzendariak. «Dana hobetu leike, jakina; eta asko dago egiteko, baina astiro-astiro prestigioa lortzen gabilz arte eszenikoen barruan», nabarmendu eban Ibarguenek. Urtemugako ospakizuna

Datozan hiru hilabeteetarako egitaraua aurkeztu dabe

baina, ez dabe maiatzaren 29ra bakarrik mugatuko; izan be, urte borobila da hamar. Horretarako, batez be egitarauan egingo ei dabe ahalegin berezia. Datozan hiru hilabeteetarako egitaraua gertau dabe eta hori be atzo aurkeztu eben. Antzerkia, musikea, dantza eta zinema. Kanpotik hainbat talde gonbidau ditue, baina Euskal Herrikoak be bai. «Ez doguz euskerea eta hemengo taldeak ahaztu gura», esan eban Ayok.

BILBO. Zarzuela



LUIS JAUREGIALTZO / ARGAZKI PRESS

Grant kapitainaren ilobak Arriagan

Grant Kapitainaren ilobak izeneko zarzulea interpretauko dabe urtarilaren 3 eta 6an Bilboko Arriaga antzokian. Gabonetako klasikotzat hartzen dabe Bizkaiko uriburuan, baina joan dan zazpi urteetan ez dabe bertan antzeztu. Arriaga antzokiko zuzendari izandako Luis Iturriren ideian oinarrituta egin ebela

obrea azaldu eben atzo. Bilboko Koral Alkarteko Euskaria abesbatza eta Bilbao Orkestra Sinfonikoa arduratuko dira musikeaz, eta Gorka Sierrak zuzenduko dau. Arlo eszenikoa, oster, Mari-bel Belastegik. Eszenatokian 25 bat kantarik eta aktorek hartzen dabe parte, eta 11 pertsonaz osotutako dantza taldeak be bai.